

ՀԱՍՏԱՏՎԱԾ Է

«Հայաստանի ավտոապահովագրողների բյուրո»

ԻԱՄ խորհրդի

25/03/2011թ թիվ 38-Լ որոշմամբ

Փոփոխված է 23/09/2011թ թիվ 72-Լ որոշմամբ

27/02/2014թ թիվ 6-Լ որոշմամբ

24/06/2014թ թիվ 25-Լ որոշմամբ

16/12/2014թ թիվ 43-Լ որոշմամբ

31/03/2015թ թիվ 55-Լ որոշմամբ

18/12/2015թ թիվ 99-Լ որոշմամբ

24/05/2016թ թիվ 16-Լ որոշմամբ

ԳՐԱՆՑՎԱԾ Է

(վերջին փոփոխությունը գրանցված է)

ՀՀ կենտրոնական բանկում

«07» հունիսի 2016թ

ՀՀ կենտրոնական բանկի նախագահ

----- Արթուր Զավադյան

«Հայաստանի ավտոապահովագրողների բյուրո»

ԻԱՄ խորհրդի նախագահ

----- Ներսես Երիցյան

ԿԱՆՈՆՆԵՐ RL 1-032

«ՀԱՅԱՍՏԱՆԻ ԱՎՏՈԱՊԱՀՈՎԱԳՐՈՂՆԵՐԻ ԲՅՈՒՐՈ»

ԻՐԱՎԱԲԱՆԱԿԱՆ ԱՆՁԱՆՑ ՄԻՈՒԹՅԱՆ

(ԱՊՊԱ ՈԼՈՐՏՈՒՄ ԼՐԱՑՈՒՑԻՉ ԵՎ ԿՐԿՆԱԿԻ ՓՈՐՁԱՔՆՆՈՒԹՅՈՒՆՆԵՐԻ ՆՇԱՆԱԿՄԱՆ)

ԲԱԺԻՆ 1

ԸՆԴՀԱՆՈՒՐ ԴՐՈՒՅԹՆԵՐ

ԳԼՈՒԽ 1

ԿԱՐԳԱՎՈՐՄԱՆ ԱՌԱՐԿԱՆ

1. Սույն կանոններով սահմանվում են՝

1) Բյուրոյի անդամ ապահովագրական ընկերությունների և Բյուրոյի կողմից իրականացվող հատուցման գործընթացի ժամանակ ապահովադիրների, ապահովագրված անձանց, տուժողների (նրանց իրավահաջորդների) և ապահովագրական ընկերությունների (Բյուրոյի) կողմից լրացուցիչ փորձաքննություն նշանակելու համար փոխադարձ համաձայնություն ձեռք բերելու և լրացուցիչ փորձաքննություն նշանակելու կարգը,

2) ԱՊՊԱ ոլորտում ապահովադիրների, ապահովագրված անձանց, տուժողների (նրանց իրավահաջորդների) կամ ապահովագրական ընկերությունների կողմից կրկնակի փորձաքննություն անցկացնելու պահանջով Բյուրոյին դիմելու և Բյուրոյի կողմից կրկնակի փորձաքննություն նշանակելու կարգը:

2. Սույն կանոնների նպատակն է ԱՊՊԱ ոլորտում լրացուցիչ և կրկնակի փորձաքննությունների նշանակման գործընթացների հստակ կանոնակարգման միջոցով ապահովել ապահովադիրների, ապահովագրված անձանց, տուժողների (նրանց իրավահաջորդների), ապահովագրական ընկերությունների (Բյուրոյի) շահերի պատշաճ պաշտպանությունը, ինչպես նաև նպաստել ապահովագրական ընկերությունների (Բյուրոյի) նկատմամբ վստահության բարձրացմանն ու ԱՊՊԱ համակարգի զարգացմանը:

ԳԼՈՒԽ 2

ԿԱՆՈՆՆԵՐՈՒՄ ՕԳՏԱԳՈՐԾՎՈՂ ՀԻՄՆԱԿԱՆ ՀԱՍԿԱՑՈՒԹՅՈՒՆՆԵՐԸ

3. Սույն կանոններում օգտագործվող հասկացությունները կիրառվում են հետևյալ իմաստով՝

1) **Բյուրո**՝ «Հայաստանի ավտոապահովագրողների բյուրո» ԻԱՄ,

2) **ապահովագրական ընկերություն**՝ Բյուրոյի անդամ ապահովագրական ընկերություն,

3) **Օրենք**՝ «Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին» Հայաստանի Հանրապետության օրենք,

4) **առաջնային փորձաքննություն**՝ Օրենքի 22-րդ հոդվածի 1-ին մասի 1-ին նախադասության համաձայն նշանակվող փորձաքննություն,

5) **շահագրգիռ անձ**՝ ապահովադիր, ապահովագրված անձ, տուժող (նրա իրավահաջորդ):

4. Սույն կանոններում օգտագործված այլ հասկացություններն ունեն Օրենքում կիրառվող նշանակությունը:

ԲԱԺԻՆ 2

**ԼՐԱՑՈՒՑԻՉ ՓՈՐՁԱՔՆՆՈՒԹՅՈՒՆ ՆՇԱՆԱԿԵԼՈՒ ՀԱՄԱՐ ՓՈԽԱԴԱՐՁ
ՀԱՄԱՁԱՅՆՈՒԹՅՈՒՆ ՁԵՌՔ ԲԵՐԵԼՈՒ, ԼՐԱՑՈՒՑԻՉ ՓՈՐՁԱՔՆՆՈՒԹՅՈՒՆ
ՆՇԱՆԱԿԵԼՈՒ ԿԱՐԳԸ**

ԳԼՈՒԽ 3

**ԼՐԱՑՈՒՑԻՉ ՓՈՐՁԱՔՆՆՈՒԹՅՈՒՆ ՆՇԱՆԱԿԵԼՈՒ ՀԱՄԱՐ ՓՈԽԱԴԱՐՁ
ՀԱՄԱՁԱՅՆՈՒԹՅՈՒՆ ՁԵՌՔ ԲԵՐԵԼՈՒ ԿԱՐԳԸ**

5. Շահագրգիռ անձը, մինչև Օրենքով՝ լրացուցիչ փորձաքննություն նշանակելու համար նախատեսված ժամկետի ավարտը լրացուցիչ փորձաքննություն նշանակելու վերաբերյալ փոխադարձ համաձայնություն ձեռք բերելու անհրաժեշտության մասին հայտնում է համապատասխան ապահովագրական ընկերությանը (Բյուրոյին) և իր հայեցողությամբ՝ իրեն հայտնի այլ շահագրգիռ անձանց:

6. Ապահովագրական ընկերությունը (Բյուրոն), լրացուցիչ փորձաքննություն նշանակելու նախաձեռնությամբ հանդես գալու դեպքում, Օրենքով սահմանված ժամկետում և սույն կանոններով սահմանված կարգով շահագրգիռ անձանց հետ համաձայնության է գալիս լրացուցիչ փորձաքննություն նշանակելու վերաբերյալ:

7. Լրացուցիչ փորձաքննություն նշանակելու փոխադարձ համաձայնություն ձեռք բերելու համար Օրենքով սահմանված ժամկետի սկիզբ է համարվում առաջնային փորձաքննության արդյունքների մասին շահագրգիռ անձանցից ամենաուշը ծանուցում ստացած անձի կողմից ծանուցումը ստանալու օրը:

8. Ապահովագրական ընկերությունը (Բյուրոն) սույն կանոնների **5-րդ** կետով սահմանված կարգով լրացուցիչ փորձաքննության նշանակման անհրաժեշտության վերաբերյալ տեղեկանալուց հետո անմիջապես, բայց ոչ ուշ քան 1 աշխատանքային օրվա ընթացքում համապատասխան շահագրգիռ անձին տեղեկացնում է լրացուցիչ փորձաքննություն նշանակելու վերաբերյալ իր համաձայնության կամ անհամաձայնության վերաբերյալ: Լրացուցիչ փորձաքննություն նշանակելու համար ապահովագրական ընկերության (Բյուրոյի) համաձայնության դեպքում ապահովագրական ընկերությունը (Բյուրոն) և շահագրգիռ անձը, այլ շահագրգիռ անձանց առկայության դեպքում, միջոցներ են ձեռնարկում այդ անձանց համաձայնությունը ստանալու ուղղությամբ: Լրացուցիչ փորձաքննության նշանակման վերաբերյալ ապահովագրական ընկերության (Բյուրոյի) և շահագրգիռ անձանց միջև սկզբունքային համաձայնության առկայության դեպքում այդ անձինք բանակցությունների միջոցով միմյանց միջև համաձայնեցնում են լրացուցիչ փորձաքննության ներկայացվող հարցերի շրջանակը, լրացուցիչ փորձաքննության ժամկետները, լրացուցիչ փորձաքննություն իրականացնող փորձագետին՝ ստորագրելով լրացուցիչ փորձաքննություն նշանակելու վերաբերյալ համաձայնագիրը (համաձայն **Ձև 1-ի**) կամ այլ կերպ գրավոր համաձայնություն տալով նշված համաձայնագրի բովանդակությանը:

9. Օրենքով սահմանված ժամկետում լրացուցիչ փորձաքննության ներկայացվող առնվազն մեկ հարցի, փորձաքննության անցկացման ժամկետի կամ լրացուցիչ փորձաքննություն իրականացնող փորձագետի վերաբերյալ փոխադարձ համաձայնություն ձեռք չբերվելու, կամ սույն կանոնների **8-րդ** կետով սահմանված համաձայնագիրը չստորագրվելու (համաձայնագրի բովանդակությանը այլ կերպ գրավոր համաձայնություն չտալու) դեպքում լրացուցիչ փորձաքննություն նշանակելու վերաբերյալ փոխադարձ

համաձայնությունը համարվում է ձեռք չբերված և լրացուցիչ փորձաքննություն չի նշանակվում:

10. Այն դեպքում, երբ լրացուցիչ փորձաքննության անհրաժեշտության վերաբերյալ ապահովագրական ընկերությունը (Բյուրոն) տեղեկացվել է Օրենքով՝ լրացուցիչ փորձաքննություն նշանակելու համար սահմանված ժամկետի վերջին օրվա ընթացքում, և տեխնիկապես հնարավոր չէ այդ օրվա ընթացքում սույն կանոններով սահմանված կարգով ապահովել ապահովագրական ընկերության (Բյուրոյի), շահագրգիռ անձանց համաձայնությունը և փորձաքննության նշանակումը, ապահովագրական ընկերությունը (Բյուրոն) շահագրգիռ անձին անմիջապես հայտնում է լրացուցիչ փորձաքննություն նշանակելու վերաբերյալ իր անհամաձայնության մասին:

ԳԼՈՒԽ 4

ԼՐԱՑՈՒՑԻՉ ՓՈՐՁԱՔՆՆՈՒԹՅԱՆ ՆՇԱՆԱԿՄԱՆ ԿԱՐԳԸ

11. Սույն կանոնների 8-րդ կետով սահմանված համաձայնագիրը Օրենքով սահմանված ժամկետում ստորագրվելու (շահագրգիռ անձանց կողմից համաձայնագրի բովանդակությանն այլ կերպ գրավոր համաձայնություն տալու) դեպքում ապահովագրական ընկերությունը (Բյուրոն) անմիջապես սույն կանոնների 8-րդ կետով սահմանված համաձայնագրով համաձայնեցված պայմաններով նշանակում է լրացուցիչ փորձաքննություն: *(11-րդ կետը փոփ. է 24/05/2016թ թիվ 25-Լ)*

12. Լրացուցիչ փորձաքննություն նշանակելու մասին ապահովագրական ընկերությունը (Բյուրոն) անմիջապես, բայց ոչ ուշ քան 2 աշխատանքային օրվա ընթացքում, տեղեկացնում է շահագրգիռ անձանց՝ բացառությամբ այն դեպքերի, երբ շահագրգիռ անձանց համաձայնությունը լրացուցիչ փորձաքննություն իրականացվելու մասին հավաստվում է սույն կանոնների 8-րդ կետով սահմանված համաձայնագիրը համատեղ ստորագրվելու միջոցով:

ԲԱԺԻՆ 3

ԿՐԿՆԱԿԻ ՓՈՐՁԱՔՆՆՈՒԹՅՈՒՆ ՆՇԱՆԱԿԵԼՈՒ ՀԱՄԱՐ ԲՅՈՒՐՈՅԻՆ ԴԻՄԵԼՈՒ, ԿՐԿՆԱԿԻ ՓՈՐՁԱՔՆՆՈՒԹՅՈՒՆ ՆՇԱՆԱԿԵԼՈՒ ԿԱՐԳԸ

ԳԼՈՒԽ 5

ԿՐԿՆԱԿԻ ՓՈՐՁԱՔՆՆՈՒԹՅՈՒՆ ՆՇԱՆԱԿԵԼՈՒ ՀԱՄԱՐ ԲՅՈՒՐՈՅԻՆ ԴԻՄԵԼՈՒ ԿԱՐԳԸ

13. Կրկնակի փորձաքննություն նշանակելու համար շահագրգիռ անձը կամ ապահովագրական ընկերությունը Օրենքով սահմանված ժամկետում Բյուրո է ներկայացնում հետևյալ փաստաթղթերը.

1) դիմում՝ ապահովագրական պատահարի արդյունքում գույքին պատճառված վնասների և (կամ) պատահարի առաջացման պատճառների կրկնակի փորձաքննության անցկացման պահանջի մասին (համաձայն **Ձև 2-ի**),

2) բողոքարկվող առաջնային (եթե իրականացվել է լրացուցիչ փորձաքննություն՝ նաև՝ լրացուցիչ) փորձագիտական եզրակացության (հաշվետվության) պատճենը (բացառությամբ Բյուրոյի կողմից իրականացվող հատուցման գործընթացի),

3) դիմումն Օրենքով՝ կրկնակի փորձաքննության անցկացման պահանջ ներկայացնելու համար սահմանված ժամկետում ներկայացնելու հանգամանքը հիմնավորող փաստաթղթեր (բացառությամբ Բյուրոյի կողմից իրականացվող հատուցման գործընթացի): Ընդ որում շահագրգիռ անձանց համար կրկնակի փորձաքննության՝ Օրենքով սահմանված ժամկետի սկիզբ է համարվում առաջնային (լրացուցիչ), փորձաքննության (փորձաքննությունների) արդյունքների մասին ծանուցում ստանալու օրը, իսկ ապահովագրական ընկերության (Բյուրոյի) համար՝ շահագրգիռ անձանց (շահագրգիռ անձանցից վերջինին) առաջնային (լրացուցիչ) փորձաքննության (փորձաքննությունների) արդյունքների մասին ծանուցելու (ստորագրությամբ հանձնելու, փոստով (էլեկտրոնային փոստով) ուղարկելու կամ այդ անձի համար ինտերնետային կայքում ստեղծված համապատասխան բաժնում տեղադրելու) օրը, բայց ոչ ուշ քան փորձաքննության արդյունքների մասին շահագրգիռ անձանց ծանուցման համար Օրենքով սահմանված ժամկետի վերջին օրը,

4) Բյուրոյի կայքում հրապարակված չափով և բանկային հաշվին կրկնակի փորձաքննության վճարի կատարման փաստը հավաստող փաստաթղթի պատճենը (չի ներկայացվում, երբ կրկնակի փորձաքննության անցկացման պահանջ ներկայացնողը ապահովագրական ընկերությունն է),

5) Ապահովագրական պատահարի առաջացման պատճառների կրկնակի փորձաքննության իրականացման պահանջ ներկայացվելու դեպքում նաև՝ Բյուրոյի «ԱՊՊԱ ոլորտում ապահովագրական պատահարի պատճառների փորձաքննություն իրականացնող փորձագետների որակավորման, նրանց հետ կնքվող պայմանագրերի գրանցման և ԱՊՊԱ ոլորտում ապահովագրական պատահարի պատճառների փորձաքննության» RL 1-014-րդ կանոնների Աղյուսակ 1-ով համապատասխան պատահարի խմբի շրջանակներում փորձաքննության պատվերին կից ներկայացնելու համար նախատեսված փաստաթղթեր (նյութեր) (բացառությամբ Բյուրոյի կողմից իրականացվող հատուցման գործընթացի): **(13-րդ կետը փոփ. է 24/05/2016թ թիվ 16-L)**

13.1. (ուժը կորցրել է «Հայաստանի ավտոապահովագրողների բյուրո» ԻԱՍ խորհրդի 24.05.2016թ թիվ 16-L որոշմամբ)

13.2. Շահագրգիռ անձի կամ ապահովագրական ընկերության կողմից սույն կանոններով սահմանված փաստաթղթերից որևէ մեկի ներկայացումը վարչական վարույթ կամ քրեական հետապնդում իրականացնող մարմինների գործողությունների կամ անգործության պատճառով անհնարին լինելու դեպքում շահագրգիռ անձի կամ ապահովագրական ընկերության համար կրկնակի փորձաքննություն նշանակելու՝ Օրենքով սահմանված ժամկետի հաշվարկը կասեցվում է մինչև անհնարինությունը պայմանավորող հանգամանքների վերացումը: Ընդ որում, սույն կետով նախատեսված անհնարինությունը կարող է հիմնավորված համարվել միայն այն դեպքում, եթե սույն կանոններով նախատեսված կրկնակի փորձաքննության անցկացման պահանջ ներկայացնելու՝ Օրենքով սահմանված ժամկետի սկզբին հաջորդող հինգ աշխատանքային օրվա ընթացքում շահագրգիռ անձը կամ ապահովագրական ընկերությունը Բյուրո է ներկայացրել հիմնավորումներ՝ առ այն, որ համապատասխան փաստաթղթերը տրամադրելու վերաբերյալ վարչական վարույթ կամ քրեական հետապնդում իրականացնող մարմիններին ուղղված գրավոր պահանջի չբավարարման հիմքով հայցադիմում է ներկայացրել դատարան՝ նշված փաստաթղթերը

հարկադիր տրամադրելու պահանջով: Շահագրգիռ անձի կամ ապահովագրական ընկերության համար կրկնակի փորձաքննություն նշանակելու՝ Օրենքով սահմանված ժամկետի հաշվարկը վերսկսվում է նաև այն դեպքում, երբ սույն կետով նախատեսված հիմնավորումները ներկայացնելուց հետո՝ երկշաբաթյա ժամկետում, Բյուրո չի ներկայացվել դատարանի կողմից համապատասխան հայցադիմումը վարույթ ընդունելու վերաբերյալ որոշումը: **(13.2-րդ կետը լրաց. է 24/06/2014թ թիվ 25-L և փոփ" է 24"05"2016թ թիվ 16-L)**

13.3. Ձև 2-ի 3.2.1-րդ դաշտով նախատեսված հարցադրումը պարտադիր է և մշտապես ներառվում է կրկնակի փորձաքննության պահանջի վերաբերյալ դիմումի մեջ, իսկ Ձև 2-ի 3.2.2-րդ և (կամ) 3.2.3-րդ դաշտերով նախատեսված հարցադրումները ներկայացվում են կրկնակի փորձաքննության պահանջ ներկայացնողի հայեցողությամբ՝ ի լրումն Ձև 2-ի 3.2.1-րդ դաշտով նախատեսված հարցադրման: Ձև 2-ում նշված հարցադրումներից տարբերվող հարցադրումներ կրկնակի փորձաքննության պահանջում չեն կարող ներառվել, իսկ ներառվելու դեպքում՝ Բյուրոյի կողմից հաշվի չեն առնվում կրկնակի փորձաքննություն նշանակելիս: **(13.3-րդ կետը լրաց. է 24"05"2016թ թիվ 16-L)**

14. Բյուրոն կրկնակի փորձաքննության անցկացման պահանջ ներկայացրած անձից կարող է պահանջել նաև կրկնակի փորձաքննության նշանակման և անցկացման համար անհրաժեշտ այլ փաստաթղթեր և տեղեկություններ: Կրկնակի փորձաքննության անցկացման պահանջ ներկայացրած անձի կողմից սույն կանոնների **13**-րդ կետով չնախատեսված և սույն կետով սահմանված կարգով Բյուրոյի կողմից չպահանջված փաստաթղթեր ներկայացվելու դեպքում, դրանք չեն ընդունվում Բյուրոյի կողմից և չեն դրվում կրկնակի փորձաքննության հիմքում և փորձագետին ներկայացվող հարցադրումներում: **(14-րդ կետը փոփ" է 24"05"2016թ թիվ 16-L)**

15. Բյուրոն իր կողմից իրականացվող հատուցման գործընթացի ժամանակ անհրաժեշտության դեպքում Օրենքով սահմանված ժամկետում կարող է նշանակել կրկնակի փորձաքննություն:

16. **(ուժը կորցրել է «Հայաստանի ավտոապահովագրողների բյուրո» ԻԱՄ խորհրդի 24.05.2016թ թիվ 16-L որոշմամբ)**

17. **(ուժը կորցրել է «Հայաստանի ավտոապահովագրողների բյուրո» ԻԱՄ խորհրդի 24.05.2016թ թիվ 16-L որոշմամբ)**

18. Այն դեպքում, երբ կրկնակի փորձաքննության անցկացման պահանջ ներկայացնողը ապահովագրական ընկերությունն է, ապա վերջինը փորձաքննության համար վճարումը կատարվում է փորձաքննության արդյունքները տրամադրելուց և վերջնական հաշիվ-ապրանքագիրը Բյուրոյի կողմից իրեն ներկայացվելուց հետո՝ 2 աշխատանքային օրվա ընթացքում: **(18-րդ կետը լրաց. է 24"05"2016թ թիվ 16-L)**

ԳԼՈՒԽ 6

ԿՐԿՆԱԿԻ ՓՈՐՁԱՔՆՆՈՒԹՅԱՆ ՆՇԱՆԱԿՄԱՆ ԿԱՐԳԸ

19. Սույն կանոնների **13**-րդ և **14**-րդ կետերով նախատեսված բոլոր անհրաժեշտ փաստաթղթերը սահմանված ժամկետում ստանալուց հետո անմիջապես, բայց ոչ ուշ քան Օրենքով սահմանված ժամկետի ավարտը Բյուրոն որոշում է կայացնում կրկնակի փորձաքննություն նշանակելու մասին: Նման որոշում Բյուրոն կարող է կայացնել նաև սույն կանոնների **15**-րդ կետով սահմանված կարգով:

20. Բյուրոն մերժում է կրկնակի փորձաքննության անցկացման պահանջը, եթե՝

1) չեն պահպանվել Օրենքով և սույն կանոններով սահմանված՝ կրկնակի փորձաքննության անցկացման պահանջ ներկայացնելու ժամկետները,

2) նույն ապահովագրական պատահարի շրջանակներում իրականացվել է (իրականացվում է) պահանջվող կրկնակի փորձաքննությունը,

3) բողոքարկվող եզրակացության (հաշվետվության) հետ կապված իրականացվում է լրացուցիչ փորձաքննություն,

4) պահանջի վերաբերյալ ներկայացված դիմումի ձևը չի համապատասխանում (լրացված չէ) սույն կանոններով սահմանված ձևին (ձևով),

5) սահմանված ժամկետում չի ներկայացվել սույն կանոնների 13-րդ կամ 14-րդ կետով սահմանված փաստաթղթերից որևէ մեկը:

21. Կրկնակի փորձաքննության անցկացման պահանջը մերժվելու դեպքում Բյուրոն կրկնակի փորձաքննության անցկացման համար վճարված գումարը վերադարձնում է այդ գումարը վճարած անձին:

22. Այն դեպքում, երբ նույն փորձագիտական եզրակացության կապակցությամբ կրկնակի փորձաքննության անցկացման պահանջ են ներկայացրել մեկից ավելի շահագրգիռ անձինք, ապա կրկնակի փորձաքննությունը նշանակվում է փորձաքննության անցկացման համար պահանջվող գումարի վճարումը հավաստող փաստաթուղթը առաջինը Բյուրո ներկայացրած անձի պահանջով, պայմանով, որ մինչև այդ պահը ապահովագրական ընկերությունը կրկնակի փորձաքննության անցկացման պահանջ չի ներկայացրել, որի դեպքում կրկնակի փորձաքննություն նշանակվում է ապահովագրական ընկերության պահանջով: Սույն կետով նախատեսված դեպքում Բյուրոն վերադարձնում է բոլոր այն անձանց կատարած վճարումները, ովքեր սույն կետի իմաստով չեն համարվում կրկնակի փորձաքննության անցկացման պահանջ ներկայացրած անձինք:

23. Բյուրոն իր կողմից իրականացվող հատուցման գործընթացի ժամանակ կրկնակի փորձաքննություն նշանակելու մասին անմիջապես, բայց ոչ ուշ քան 2 աշխատանքային օրվա ընթացքում ծանուցում է շահագրգիռ անձանց, իսկ ապահովագրական ընկերությունների կողմից իրականացվող հատուցման գործընթացի դեպքում՝ համապատասխան ապահովագրական ընկերությանը, և եթե կրկնակի փորձաքննության համար դիմողը ապահովագրական ընկերությունը չէ, նաև՝ կրկնակի փորձաքննության անցկացման պահանջ ներկայացրած անձին: Ապահովագրական ընկերությունն իր հերթին պարտավոր է անմիջապես, բայց ոչ ուշ քան 2 աշխատանքային օրվա ընթացքում կրկնակի փորձաքննության անցկացման մասին ծանուցել շահագրգիռ անձանց (բացառությամբ այն անձի, ում պահանջով իրականացվում է կրկնակի փորձաքննությունը):

24. Բյուրոն իր կողմից իրականացվող հատուցման գործընթացի ժամանակ կրկնակի փորձաքննության արդյունքների մասին անմիջապես, բայց ոչ ուշ քան 2 աշխատանքային օրվա ընթացքում ծանուցում է շահագրգիռ անձանց, իսկ ապահովագրական ընկերությունների կողմից իրականացվող հատուցման գործընթացի ժամանակ՝ համապատասխան ապահովագրական ընկերությանը, և եթե կրկնակի փորձաքննության համար դիմողը ապահովագրական ընկերությունը չէ, նաև՝ կրկնակի փորձաքննության անցկացման պահանջ ներկայացրած անձին՝ ուղարկելով փորձագետի եզրակացության պատճենը և նշելով դրա իրավական նշանակությունն ու բողոքարկման կարգը:

Ապահովագրական ընկերությունն իր հերթին պարտավոր է կրկնակի փորձաքննության արդյունքների մասին անմիջապես, բայց ոչ ուշ քան 2 աշխատանքային օրվա ընթացքում ծանուցել շահագրգիռ անձանց (բացառությամբ այն անձի, ում պահանջով իրականացվել է կրկնակի փորձաքննությունը):

25. Կրկնակի փորձաքննության արդյունքները փորձաքննության պահանջ ներկայացրած անձին ծանուցելուց և հաշիվ-ապրանքագիրը ներկայացվելուց հետո՝ 5 աշխատանքային օրվա ընթացքում, կատարվում է փոխհաշվարկ Բյուրոյի և այդ անձի (բացառությամբ՝ ապահովագրողի) միջև. եթե կրկնակի փորձաքննության համար վճարված գումարը գերազանցում է Բյուրոյի կողմից կրկնակի փորձաքննության իրականացման համար փորձագետին վճարված գումարը, ապա Բյուրոն կրկնակի փորձաքննության պահանջ ներկայացրած անձին վերադարձնում է այդ գումարի դրական տարբերությունը, իսկ եթե կրկնակի փորձաքննության համար վճարված գումարը պակաս է Բյուրոյի կողմից կրկնակի փորձաքննության իրականացման համար փորձագետին վճարված գումարից, ապա կրկնակի փորձաքննության պահանջ ներկայացրած անձի կողմից համապատասխան տարբերության չափով փոխհատուցվում են Բյուրոյի կողմից կատարված ծախսերը:

(Գլուխ 6-ը փոփ. է 24. 05. 2016թ թիվ 16-L)

ԲԱԺԻՆ 4

(Ուժը կորցրել է «Հայաստանի ավտոապահովագրողների բյուրո» ԻԱՄ խորհրդի 31.03.2015թ թիվ 55-L որոշմամբ)

«ԱՊՊԱ ոլորտում լրացուցիչ և կրկնակի փորձաքննությունների նշանակման» կանոնների

ՀԱՄԱՁԱՅՆԱԳԻՐ
ԼՐԱՑՈՒՑԻՉ ՓՈՐՁԱՔՆՆՈՒԹՅՈՒՆ ՆՇԱՆԱԿԵԼՈՒ ՎԵՐԱԲԵՐՅԱԼ

«___» _____ 20__թ.

կնքման վայրը

Մենք՝
Ապահովագրական ընկերություն (Բյուրո)՝ _____
(անվանումը, իրավասու անձի անուն, ազգանունը, իրավասության հիմքը)

Տուժող (իրավահաջորդ)՝ _____
(անուն, ազգանուն, անձնագրային տվյալներ, հասցե)

Ապահովադիր _____
(անուն, ազգանուն, անձնագրային տվյալներ, հասցե)

Ապահովագրված անձ՝ _____
(անուն, ազգանուն, անձնագրային տվյալներ, հասցե)

հիմք ընդունելով «Ավտոտրանսպորտային միջոցների օգտագործումից բխող պարասխանավության պարտադիր ապահովագրության մասին» ՀՀ օրենքի 22-րդ հոդվածի 2-րդ մասը, համաձայնության եկանք լրացուցիչ փորձաքննություն նշանակելու վերաբերյալ՝ հետևյալ պայմաններով.

- Լրացուցիչ փորձաքննության իրականացումը հանձնարարել _____-ին:
(փորձագետի անուն ազգանունը կամ փորձագիտական կազմակերպության անվանումը)
- Փորձագետին առաջադրել հետևյալ հարցերը.
1. _____
2. _____
- Փորձաքննության իրականացման ժամկետ սահմանել _____ օր:

Ապահովագրական ընկերության (Բյուրոյի) անունից՝ _____
Տուժող (իրավահաջորդ)՝ _____
Ապահովադիր՝ _____
Ապահովագրված անձ՝ _____

«ԱՊՊԱ ոլորտում լրացուցիչ և կրկնակի փորձաքննությունների նշանակման» կանոնների (Ձև 2-ը փոփ. է 24.05.2016թ թիվ 16-Լ)

ԿՐԿՆԱԿԻ ՓՈՐՁԱՔՆՆՈՒԹՅՈՒՆ ԻՐԱԿԱՆԱՑՆԵԼՈՒ ՊԱՀԱՆՋԻ ՎԵՐԱԲԵՐՅԱԼ ԴԻՄՈՒՄ				
1. Պահանջ ներկայացնողը				
1.1	Կրկնակի փորձաքննության պահանջ ներկայացնող	(անունը և ազգանունը կամ անվանումը, անձը հաստատող փաստաթուղթ կամ ՀՎՀՀ)		
1.2	Բողոքարկողի իրավական կարգավիճակը համապատասխան պատահարում	<input type="checkbox"/> տուժող	<input type="checkbox"/> ապահովագրված անձ	
		<input type="checkbox"/> ապահովադիր	<input type="checkbox"/> ապահովագրող	
2. Բողոքարկվող փորձաքննությունը				
Բողոքարկվող փորձաքննության տեսակը		Պատահարի առաջացման պատճառների վերաբերյալ	Գույքին պատճառված վնասների վերաբերյալ	
Առաջնային փորձագիտական եզրակացություն		<input type="checkbox"/>	<input type="checkbox"/>	
Լրացուցիչ փորձագիտական եզրակացություն		<input type="checkbox"/>	<input type="checkbox"/>	
3. Փորձագետին առաջադրվող հարցեր				
3.1. Գույքին պատճառված վնասների մասով փորձաքննությունների պատվերի դեպքում՝				
<i>Իրականացնել կցված փաստաթղթերում նշված ՃՏՊ-ի հետևանքով համապատասխան ավտոտրանսպորտային միջոցին (գույքին) պատճառված վնասի գնահատում</i>				
3.2. Պատահարի առաջացման պատճառների մասով փորձաքննությունների դեպքում՝				
3.2.1 Կատարել պատահարի առաջացման պատճառների փորձաքննություն և տալ վերջնական եզրակացություն, թե ում գործողություններով (անգործությամբ) է պայմանավորված տվյալ պատահարի առաջացումը				
<input type="checkbox"/>	3.2.2. Պարզել պատվերին կից ներկայացված ելակետային տվյալների համապատասխանությունը վթարի մեխանիզմին			
<input type="checkbox"/>	3.2.3. Պարզել, թե SU-ների վրա առկա հետքերի համապետելիությունը ներկայացված վթարի հետ (կատարել հետքաբանական հետազոտություն)			
4. Կրկնակի փորձաքննություն իրականացնելու անհրաժեշտության վերաբերյալ կրկնակի փորձաքննություն պահանջող անձի նկատառումները (առկայության դեպքում)՝				
1				
2				
...				
5. Պահանջին կցվող փաստաթղթերը				
Փաստաթղթի անվանումը			Թերթերի քանակը	
1				
2				
..				
6. Այլ տեղեկություններ				
6.1	Վնասված գույքի փաստացի գտնվելու վայրը, որտեղ հնարավոր է կատարել վնասված գույքի գննություն	մարզ	քաղաք/գյուղ	փողոց
				այլ կողմնորոշիչ

6.2	Անձի անունը, ազգանունը և հեռախոսահամարը, ում հետ կարելի է կապ հաստատել վնասված գույքի զննություն իրականացնելու համար				
7. Կրկնակի փորձաքննության արդյունքների ծանուցման եղանակը և այլ հաստատումներ					
7.1. Խնդրում եմ կրկնակի փորձաքննության արդյունքները ծանուցել նշված եղանակով և ուղարկման պահից, իսկ առձեռն ծանուցման դեպքում՝ ստորագրման պահից համարել փորձաքննության արդյունքները պատշաճ ծանուցած (Ապահովագրող և Ապահովադիր հանդիսացող դիմողների համար կիրառելի է միայն ծանուցման էլեկտրոնային տարբերակները)					
<input type="checkbox"/>	առձեռն՝ Բյուրոյի տարածքում				
<input type="checkbox"/>	էլեկտրոնային փոստով՝ նշված ծանուցման հասցեով՝	(նշվում է ծանուցման էլեկտրոնային հասցեն)			
<input type="checkbox"/>	պատվիրված նամակով՝ նշված ծանուցման հասցեով՝	(նշվում է ծանուցման փոստային հասցեն)			
<input type="checkbox"/>	ինտերնետային կայքում ստեղծված համապատասխան բաժնում ծանուցման տեղադրման միջոցով (ծանուցման այս ձևը կիրառելի է, եթե դիմողը դիմում ընդունողից ստացել է համապատասխան ուղեցույց (ծանուցում) դրանից օգտվելու պայմանների վերաբերյալ)				
7.2.	Կրկնակի փորձաքննություն նշանակելու հիմքերի առկայության դեպքում լիազորում եմ Բյուրոյին համապատասխան փորձագետի հետ Բյուրոյի կնքած պայմանագրի շրջանակներում կրկնակի փորձաքննության անցկացման պահանջ ներկայացրած անձի անունից և հաշվին պատվիրել Դիմումով պահանջվող կրկնակի փորձաքննության անցկացումը և ստանալ փորձաքննության արդյունքները:				
7.3.	Խնդրում եմ կրկնակի փորձաքննության արդյունքները սույն դիմումով սահմանված եղանակով ինձ ծանուցելու պահից համապատասխան փորձագետի ծառայությունները համարել կրկնակի փորձաքննության անցկացման պահանջ ներկայացրած անձին մատուցված և դրա հետ կապված դուրս գրված հաշիվ ապրանքագիրն նրա կողմից ինքնաշխատ ստորագրված (հաստատված):				
7.4.	Տեղեկացված եմ, որ կրկնակի փորձաքննությունն անց է կացվում պահանջ ներկայացրած անձի միջոցների հաշվին և կրկնակի փորձաքննություն անցկացնելու համար պահանջվող գումարը սահմանված ժամկետում չվճարելու դեպքում Բյուրոն կմերժի կրկնակի փորձաքննության անցկացման պահանջը (կիրառելի չէ Ապահովագրողի նկատմամբ),				
7.5.	Ծանոթացել եմ Բյուրոյի համապատասխան կանոններին և Բյուրոյի կայքում հրապարակված՝ կրկնակի փորձաքննության անցկացման պայմաններին, ժամկետներին, վճարի չափին և համաձայն եմ դրանց,				
7.6.	Կրկնակի փորձաքննության պահանջը մերժվելու կամ այլ հիմքով փորձաքննություն չիրականացվելու դեպքում խնդրում եմ կրկնակի փորձաքննության համար վճարված գումարը փոխանցել _____ բանկային հաշվին: (Տեղեկացված եմ, որ սույն դիմումում բանկային հաշիվ չենելու դեպքում Բյուրոն պահանջի մերժման մասին գրության մեջ կնշի համապատասխան բանկային հաշիվը, որից կարող եմ ստանալ գումարը)				
8	Դիմողի տվյալները				
Դիմողի (դիմողի անունից ներկայացված անձի) անունը ազգանունը		Դիմողի (դիմողի անունից ներկայացված անձի) ստորագրությունը (Կ.Տ.)			
Դիմումի լրացման ամսաթիվը		<table border="1" style="width: 100%; text-align: center;"> <tr> <td style="width: 33%;">օր</td> <td style="width: 33%;">ամիս</td> <td style="width: 33%;">տարի</td> </tr> </table>	օր	ամիս	տարի
օր	ամիս	տարի			

**(Ձև 3-ը և Ձև 4-ը ուժը կորցրել են «Հայաստանի ավտոապահովագրողների
բյուրո» ԻԱՄ խորհրդի 24. 05. 2016թ թիվ 16-Լ)**